



925001 -

- 925102

Mag. St. Dr.

III

PROPOSITIONES

ad

*Serenissimam - ac Potentissimam
Polonorum Rem-publicam*

Serenissimi Electoris
Palatini,

utriusq; Bavariæ - Juliæ - Cli-
viæ - & Montium

D U C I S

pro

Serenissimo PRINCIPE

C A R O L O,

Duce Neuburgico, Fratres suo
Germano.

PROPOSITIONES

De ...
De ...

De ...
De ...

De ...
De ...

D H C I S

925022

C A R O L O

De ...
De ...

*Eminentissime! Illustrissimi, Re-
rendissimi, Excellentissimi, Illustres,
Magnifici-ac Generosi D. D. Se-
renissimæ Reipublicæ Inclyti Regni
Poloniæ- & M. D. L. Status-ac
Ordines, Domini-ac Amici Co-
lendissimi!*

INter supremas Europæ Familias singulari
hac prærogativâ, nullo satis pretiô æstiman-
dâ, Serenissimam Domum Electoralem Pa-
latinam beavere propitia Numina ut, Jagel-
lonicum Sanguinem ex Casimirô IV. Venis derivatum,
calentem etiam nunc, tanquàm Sacrum Vestaliû Ignem,
vegetum, purumq; felicissimè foveat; imò conspiranti-
bus, velut ex conditô, Conjugijs, per plures quasi Ca-
nales, in unum ejusdem Domûs Alveum Divinô prorsus
Ordine deducta, Jagellonidum Prosapia combinetur.
Hinc ingenitus ille - atq; reciprocus inter Serenissimam

Reipublicam, ac Palatinam Familiam Amor ad Poster-
ros cum Sanguine diffusus - & propagatus. Hinc Studium
illud, & observantia singularis, qua præ cæteris Princi-
pibus Serenissimus Elector Invictissimam Polonorum
Gentem sincerè colit - ac veneratur. Hinc demùm justa
illa fiducia, qua meritò confidit, sibi vitio minimè ver-
tendum) præsertim si imperscrutabilis Providentiæ De-
cretum, & Statûs Reipubl : Ratio ferret Serenissimum
Principem Jacobum votis suis non poteri) quatenus
Amantissimum Fratrem Germanum, Serenissimum Prin-
cipem Carolum, nuper Radzivilliæ Principis viduum,
Viduæ Reipubl : reverenter proponat - ac impensè cōmen-
det, quem sua Serenitas Electoralis sperat nulli Candi-
datorum postponendum, sed à publica Magnanimitate
Fortunâ hac aureâ longè optabiliore, quàm Domestica
illa Cæsarum Romanorum, generosè donandum fore.

Et verò citra jactantiæ umbram - ac omnem Invidiæ
Labem, afferi potest, non indignum esse tantò Diade-
mate Caput, tantâq; Poloniæ Nobilitate Principem,
quem scil : plures Gentilitij Cæsares - & Electores, Bel-
lô - Paceq; Clarissimi, ad Magna- & Heroica erudierunt.
Quem Divus Parens Annæ, Catharinæ, Constantiæ, Vla-
dislai - ac Joannis Casimiri Regum Sororis, olim Con-
jux, ad Religiosissimæ - Exemplarissimæq; Pietatis Nor-
mam instituit, Eidemq; tenerrimum illum amorem,
quo Polonos complectebatur, medullitùs indidit per-
petuus Reipublicæ Cultor- & constantissimus contra Ho-
stes omnes Colligatus, se ipso - viribusq; hæreditarijs o-
mnibus

mnibus occasione bellorum peramanter oblatiſ.

Illâ eſt ætate, qua - floret - & viget adulta virtus, matura fructibus. Eô corporis habitu - atq; Robore, quod Martijs - atq; Civilibus par ſit laboribus. Eâ facie - atq; ſtaturâ, quæ ſit Imperiô digna, & quam ornet Imperatoria ſpecies. Non ſevero - ſed amabili ſupercilio. Non durâ - ſed docili - & prorsùs flexili ad Leges Patrias indole. Nec in ipſo trucis obtutùs, ſed Authoritatem ſolô Amore conciliat - ac Reverentiam Authoritate. Affabilis - Liberalis - atq; oculatè profuſus: nil ſuum arbitratur, niſi quod alteri dederit. Miſericors æq; - ac juſtus. Bellô natus, ac Bellis innutritus: reptavit per Scuta Puer, Nobileq; Tyrocinium, ut Principes decet, & hauſtum à Majoribus Sangvinem in Hungaricis - & Germanicis Expeditionibus cum Laude poſuit. Jam verò immolatâ Marti Fratriſ Victimâ, Sereniſſimi Electoris, hætenus improlis, Authoritate tantisper eſt Bellonæ ſubductus, ut Stirpi ſervaretur Auguſtæ, ac redderet Electorali Palatinatui - Provinciſq; avitis Hæredes, non niſi ductâ eâ Sponſâ, quam Pronuba voluerit Res - pub: ut illi naſcantur Filij ad obſequia, illi vivant, & ſerviant, ac, ſi Res tulerit, pro illâ occumbant: quotquot vero, DEO Auspice, ſuſcipientur, nulli ſint Sereniſſimæ Rei - pub: oneri; ſed hæreditariô Cenſu alantur - & ſuſtententur. Illud porrò imprimis notandum, remota prorsùs Fraterna Dominia - illaq; ſat opulenta efficere, ut Præſſe utiliter - non obeſſe poſſit, Statùſq; hæreditarij Rationes nulli Principum,

tum Poloniæ vicinorum, tum maximè distantium, odiosas esse; atq; adeò Paci- & Concordiæ, cum illis servandæ, aptissimas. Nulli deniq; Principi ita obnoxios esse Palatinos Electores, ut vel Vmbram Zelotypiæ Polonis unquàm possent affundere.

Quod innuisse sat fuerit adversus varios nonnullorum Motus, qui suspectum Poloniæ fore Principem Germanum arbitrantur, contra tot sæculornm Experimentiam, in tantâ limitanearum Provinciarum semper pacificâ Propinquitate. Et licèt à nullo Principum, sicut innui, ita dependeat Serenissimus Elector, ejusq; Germanus Carolus Princeps, ut minima oriri possit Polonis suspicio, non adeò tamen Amicorum caret subsidiò, ut abundanter-ac promptè non suppleat implendis illicò Conditionibus, quas pro Serenissimò Carolò Candidatò proponit: quæ sunt

I. Leges omnes-ac Libertatem Polonicam illibatè servaturum Serenissimum Carolum, vel ipsius Sanguinis plenissimâ Effusione, Pactaq; - Conventa omnia inviolatè impleturum.

II. Nullo unquàm Pretiò, etiam vel minimò, aut Munere, gratitudinis ergo oblato, Dignitates, Officia, & Munia Regni qualiacunq; collaturum: sed solis Benè-meritis, semotò quocunq; privatò Respectu, distributurum.

III. Millions Decem, ad persolvenda Exercitiibus

bus stipendia juxta Reipub: Dispositionem, in Pecuniâ numeratâ illicò post Electionem suppeditaturum.

IV. Pro Alleviatione Stativornm Hybernalium in Bonis Regalibus - & Spiritualibus Annò præsentì offert unum Millionem, Die Festò S. Michâélis per suos Ministros Leopoli persolvendum.

V. Alium Millionem adpromittit, Leopoli exsolvendum pro sufficienti Militum Consistentiâ extra Limites Regni, atq; ad Rem tormentariam, & Co-meatum.

VI. Pro Conservatione Præsidiorum, ubicunq; sub Inclytò Nomine Polonò sunt Præsidia, trecenta Milia Florenorum pro hoc Annò se largiturû adpromittit.

VII. Monetâ ad Coæquationem cum vicinis Principibus reducere conabitur, junctis cum Re-pub: Consilijs - & Subsidijs; & ad hunc Effectum centum Milia Thalerorum se daturum adpollicetur; simulq; Restaurationem Commerciorum summè Cordi habebit.

VIII. Cameneci Recuperationem vel in Tractatu Generali - vel Gloriosò Marte - imò etiam Bessarabiæ Acquisitionem omni Nitu curabit.

Quæ omnia Serenissimus Elector, in Pignus æterni Amoris - & Obsequij oblata, gratè acceptanda fore ab Invictissimâ Re-pub: meritò confidit, & inde non
minùs

minùs sperat, eandem tam in Personâ prædicti Serenif-
simi Candidati ex antiquissimâ - Regiâq; Sangvinis Pro-
genie, Virtutum Vbertate - & Animi - Corporisq; Con-
stitutione omnimodam Regnandi Capacitatem, quam
modò oblata non vanis Promissis - sed Germanæ sincer-
itatis Realitate suffultâ Promptitudine tale invenire
Pondus, ut præ omnibus alijs in Serenissimi Principis
Caroli Promotionem ad hoc Regale Solium liberrimis
suffragijs, quibus solis sortem ipsius committit, unani-
miter descendat, sub cuius Auspicijs hand dubiè Pax - &
Concordia Civium reflorescet; teterrimi Hostes ortho-
doxæ hujus - ac Religiosissimæ Gentis profligabuntur;
Limites Regni avulsarum tot Provinciârum Receptione
extendentur; Potentissimæq; hujus Gentis Magna-
nimitas ad summum Gloriæ Apicem
exsurget.



